

Broj: 189/19

Datum: 26.03.2019. godine

Na osnovu člana 70. stav 1. i 3. Zakona o javnim nabavkama Bosne i Hercegovine («Službeni glasnik BiH» broj: 39/14), Člana 53. Statuta JP „BIT Centar“ d.o.o. u Tuzli (broj: 001/09 od 12.11.2009. godine, do 387/16 od 30.06.2016. godine), Pravilnika o uslovima i načinu korištenja e-aukcije («Službeni glasnik BiH» br: 66/16), a nakon prihvatanja preporuke Komisije za javne nabavke broj: 188/19 od dana 25.03.2019. godine, Direktor JP „BIT Centar“ d.o.o. u Tuzli, donosi

O D L U K U **o izboru najpovoljnijeg ponuđača**

Član 1.

U postupku javne nabavke „Usluge čišćenja objekata BIT Centar I, II, III i nabavka materijala za održavanje čistoće i higijene za potrebe JP „BIT Centar“ d.o.o. u Tuzli“, vrši se izbor najpovoljnijeg ponuđača „Samsic“ d.o.o. Sarajevo, sa vrijednošću ugovora u ukupnom iznosu od 8.528,00 KM bez PDV-a (za 12 mjeseci).

Član 2.

Po okončanju žalbenog roka odnosno danom pravosnažnosti ove Odluke, ugovorni organ će pozvati izabranog ponuđača na zaključenje ugovora kojima će se regulirati međusobna prava i obaveze vezane za predmetnu nabavku.

Član 3.

Izabrani ponuđač je dužan da u roku od 5 dana od dana prijema ove odluke, Ugovornom organu dostavi dokaze predviđene članom 45. Zakona o javnim nabavkama. Dokazi koji se zahtjevaju moraju biti u originalu ili ovjerenim kopijama.

Ukoliko izabrani ponuđač u roku ne dostavi traženu dokumentaciju iz prethodnog stava ovog člana, ugovor o javnoj nabavci dodijeliti će se drugorangiranom ponuđaču u skladu sa članom 72. stav (3) Zakona o javnim nabavkama BiH.

Član 4.

O izboru najpovoljnije ponude obavijestiti izabranog ponuđača kao i ostale ponuđače, na način i u rokovima utvrđenim Zakonom o javnim nabavkama Bosne i Hercegovine.

Član 5.

Ovu Odluku, Obavještenje iz prethodnog stava, Zapisnik o pregledu i ocjeni ponuda dostaviti ponuđačima putem pošte preporučeno sa povratnicom i putem e-maila, a u rokovima utvrđenim Zakonom o javnim nabavkama Bosne i Hercegovine.

O B R A Z L O Ž E N J E

Postupak javnog nadmetanja za dodjelu ugovora za nabavku usluga proveden je putem konkurentskog zahtjeva za dostavljanje ponuda, broj: 83/19 od 08.03.2019 godine a u skladu sa Odlukom o pokretanju postupka javne nabavke, broj: 79/19 od

09.03.2019. godine – obavještenje o nabavci na portalu javnih nabavki broj: 2997-7-2-6-3-1/19 od dana 08.03.2019. godine. Postupak za dodjelu ugovora provela je Komisija za javne nabavke imenovana rješenjem Direktora, broj: 82/19 od 08.03.2019. godine. Za predmetni postupak bio je predviđen postupak e-aukcije u skladu sa Pravilnikom o uslovima i načinu korištenja e-aukcije («Službeni glasnik BiH» br: 66/16).

Javno otvaranje ponuda u predmetnom postupku održano je dana 18.03.2019. godine u 16:00 , u objektu I JP " BIT Centar" d.o.o. u Tuzli, kancelarija 006. (prizemlje) na adresi Trg slobode 16., o čemu je sačinjen i Zapisnik sa otvaranja ponuda br:137/19 i koji je dana 19.03.2019 godine poslat svim ponuđačima preporučenom poštom sa povratnicom kao i putem e-maila. Otvaranju ponuda nije prisustvovao niti jedan predstavnik ponuđača.

Komisija je neposredno prije otvaranja ponuda konstatovala slijedeće:

- da je tenderska dokumentacija bila dostupna na portalu javnih nabavki;
- da je poziv za preuzimanje tenderske dokumentacije sa portala javnih nabavki upućeno na adrese tri firme:
 - 1) EMMS d.o.o., Putešić bb 74260 Jelah, Tešanj, 2) O.D.Agencija za čišćenje stambeno-poslovnih objekata „Lara“, Mehmedalije Maka Dizdara bb, B5-D 75000 Tuzla, i 3) SAMSIC d.o.o. Džemala Bijedića 185 (Radon Plaza).i to preporučeno sa povratnicom putem pošte koje su potpisane i vraćene na adresu JP „BIT Centar“ d.o.o. u Tuzli;
- da je ukupno 13 (trinaest) ponuđača preuzelo tendersku dokumentaciju sa portala javnih nabavki;
- da su do roka za dostavljanje ponuda blagovremeno pristigle ukupno 4 (četiri) ponude:
 1. Ponuda ponuđača „Atalian Global Services BH“ d.o.o. Sarajevo – dana 18.03.2019 u 10:10 sati putem pošte.
 2. Ponuda ponuđača „Samsic“ d.o.o. Sarajevo – dana 18.03.2019 u 11:58 sati.
 3. Ponuda ponuđača „Seif“ d.o.o. Miljanovci, Kalesija – dana 18.03.2019 u 12:04 sati lično.
 4. Ponuda ponuđača „EMMS“ d.o.o. Jelah, Tešanj – dana 18.03.2019 u 13:00 sati lično.
- da je sačinjen i zapisnik o zaprimanju ponuda;
- da do javnog otvaranja nije bilo neblagovremeno pristiglih ponuda;
- da je kriterij za dodjelu ugovora utvrđen u tenderskoj dokumentaciji najniža cijena.
- da su na kovertu stavljeni redni brojevi prema kojima se utvrđuje redoslijed otvaranja i čitanja ponuda, prema vremenu dostavljanja na protokol ugovornog organa;
- da na javnom otvaranju ponuda nije bio prisutan niti jedan predstavnik ponuđača kao ni druga lica;
- da je u predmetnom postupku predviđena e-aukcija što je bilo naznačeno u tenderskoj dokumentaciji.

- Komisija je javno saopštila podatke o nazivu i sjedištu ponuđača i ukupnu cijenu ponude iz Priloga 3. „obrasca za cijene“ kako slijedi:

| R. br | PONUĐAČ | Jed. mjere | Kol | Cijena po jed. mjere bez PDV-a | Ukupna cijena bez PDV-a | Popust | Ukupno bez PDV-a sa popustom | PDV na cijenu sa popustom | Ukupna cijena sa PDV-om |
|-------|--|------------|-----|--------------------------------|-------------------------|--------|------------------------------|---------------------------|-------------------------|
| 1. | „Atalian Global Services BH“ d.o.o. Sarajevo | Mjesečno | 12 | 1.166,50 | 13.998,00 | - | 13.998,00 | 2.379,66 | 16.377,66 |
| 2. | „Samsic“ d.o.o. Sarajevo | Mjesečno | 12 | 1.166,50 | 13.998,00 | - | 13.998,00 | 2.379,66 | 16.377,66 |
| 3. | „Seif“ d.o.o. Miljanovci, Kalesija | Mjesečno | 12 | 1.666,67 | 14.000,04 | - | 14.000,04 | 2.380,01 | 16.380,05 |
| 4. | „EMMS“ d.o.o. Jelah, Tešanj | Mjesečno | 12 | 1.166,60 | 13.999,20 | - | 13.999,20 | 2.379,86 | 16.379,06 |

Komisija je konstatovala da su sve četiri gore navedene ponude prihvatljive te da nije bilo razloga za isključenje ponuđača zbog neispunjavanja uslova za kvalifikaciju.

Komisija je prilikom analize ponude ponuđača „Seif“ d.o.o. Miljanovci, Kalesija, broj: 07/19 od 16.03.2019. godine, a u skladu sa članom 17. stav (1) Uputstva za primjenu modela tenderske dokumentacije i ponuda, („Službeni glasnik BiH“, broj: 90/14) izvršila provjeru računске ispravnosti ponude te ustanovila da je u ponudi firme „Seif“ d.o.o. Miljanovci, Kalesija, u Tabeli a. Priloga 3. Konkurentskog zahtjeva „Obrazac za cijene“, u koloni „cijena po jed. mjere bez PDV-a“ (kao jedinična cijena) upisan iznos od 1.666,67 KM a u koloni „Ukupna cijena bez PDV-a“ upisan iznos od 14.000,04 KM bez PDV-a. Komisija je konstatovala da je ukupan iznos od 14.000,04 KM bez PDV-a, nakon što se ponuđena jedinična cijena u iznosu od 1.666,67 KM pomnoži sa brojem 12 koji predstavlja količinu, zapravo netačan iznos.

Imajući u vidu da je članom 17. (5) Uputstva za primjenu modela tenderske dokumentacije i ponuda i tačkom 5. „Napomena“ u Prilogu 3. Konkurentskog zahtjeva broj: 83/19 propisano da „jedinična cijena stavke se ne smatra računskom greškom, odnosno ne može se ispravljati“, Komisija je konstatovala da je ponuđeni iznos od 1.666,67 KM, izražen kao jedinična cijena u Prilogu 3. Konkurentskog zahtjeva, relevantan za ocjenu ponude. Komisija je, u skladu sa članom 17. stav (1) Uputstva za primjenu modela tenderske dokumentacije i ponuda, („Službeni glasnik BiH“, broj: 90/14), izvršila provjeru računске ispravnosti ponude, odnosno ispravku, te iznos od 1.666,67 KM bez PDV-a u koloni „cijena po jed. mere bez PDV-a“ pomnožila sa brojem 12 iz kolone „količina“, te dobila ukupan iznos od 20.000,04 KM bez PDV-a.

S tim u vezi, a imajući u vidu da je tačkom I. podtačka 12. Konkurentskog zahtjeva elektronsko sredstvo (e-mail) predviđeno kao mogući način komunikacije, Komisija se dana 19.03.2019. godine u skladu sa članom 17. (5) Uputstva za primjenu modela tenderske dokumentacije i ponuda, putem službenog e-maila JP „BIT Centar“ d.o.o. u Tuzli, obratila ponuđaču „Seif“ d.o.o. Miljanovci, Kalesija na službeni e-mail (koji je upisan u tenderskoj dokumentaciji), sa dopisom broj: 160/19 pod nazivom „Zahtjev za prihvatanje ispravke računске greške u ponudi broj: 07/19 od 16.03.2019. godine po konkurentskom zahtjevu broj: 83/19 od 08.03.2019. godine“. Navedenim dopisom Komisija je ponuđaču „Seif“ d.o.o. Miljanovci, Kalesija uspostavila rok da najkasnije do/zaključno sa 21.03.2019. godine odgovori na zahtjev, odnosno da prihvati ispravku računске greške koju je Komisija konstatovala (da, kada se ponuđena jedinična cijena od 1.666,67 KM bez PDV-a pomnoži sa brojem 12 iz kolone „količina“, dobije ukupan iznos od 20.000,04 KM bez PDV-a.) Dopis je poslat istog dana i putem pošte preporučeno sa povratnicom.

Dana 20.03.2019 godine, putem službenog e-maila, blagovremeno je zaprimljen dopis ponuđača „Seif“ d.o.o. Miljanovci, potpisan od strane ovlaštene osobe i ovjeren pečatom firme ponuđača, a koji je zaprimljen kod ugovornog organa pod brojem: 177/19 od 20.03.2019, kojim se prihvata ispravka računске greške naznačen u dopisu Komisije broj: 160/19 od 19.03.2019 godine.

S tim u vezi Komisija je konstatovala da ukupan iznos ponude ponuđača „Seif“ d.o.o. Miljanovci, Kalesija, a nakon ispravke računске greške, odnosno prihvatanja ispravke računске greške, iznosi od 20.000,04 KM bez PDV-a.

Komisija je konstatovala da su ponuđači „Atalian Global Services BH“ d.o.o. Sarajevo i „Samsic“ d.o.o. Sarajevo u predmetnom postupku javne nabavke, dostavili najnižu cijenu u odnosu na ostale ponuđače, u ukupnom iznosu od 13.998,00 KM bez PDV-a na godišnjem nivou. Komisija je dalje konstatovala da ponuđena godišnja cijena u iznosu od 13.998,00 KM, predstavlja najnižu početnu cijenu svih ponuda za e-aukciju.

U skladu sa Pravilnikom o uslovima i načinu korištenja e-aukcije («Službeni glasnik BiH» br: 66/16) a u vezi sa članom 4. Odluke o pokretanju postupka javne nabavke putem konkurentskog zahtjeva za dostavu ponuda za nabavku usluga čišćenja objekata BIT Centar I, II i III i nabavku materijala za održavanje čistoće i higijene za potrebe JP „ BIT Centar“ d.o.o. u Tuzli broj: 79/19 od 08.03.2019 godine, i tačkom 9. Poglavlja I tenderske dokumentacije broj: 83/19 od 08.03.2019 godine, ugovorni organ je dana 21.03.2019. godine u sistemu e-nabavke na portalu javnih nabavki – ejn.gov.ba, zakazao e-aukciju za dan 25.03.2019. godine sa početkom u 10:00 sati i dužinom trajanja od 10 minuta.

Dana 25.03.2019 godine u 10:00 sati otpočela je e-aukcija. U postupku e-aukcije učestvovala su sva 4 (četiri) ponuđača i to: 1) „Atalian Global Services BH“ d.o.o. Sarajevo, 2) „Samsic“ d.o.o. Sarajevo, 3) EMMS d.o.o. Jelah-Tešanj i 4) Seif d.o.o. Miljanovci, Kalesija.

Postupak e-aukcije je okončan dana 25.03.2019. godine u 12:34 sati. Nakon završene e-aukcije, konstatovano je da je ponuđač „Samsic“ d.o.o. Sarajevo, dostavio najnižu ukupnu cijenu ponude u iznosu od 8.528,00 KM/godišnje bez PDV-a. Nakon provedenog postupka e-aukcije, a u skladu sa izvještajem o toku u završetku e-aukcije Komisija je potvrdila slijedeću konačnu rang listu:

| R.br. | PONUĐAČ | IDB/JIB | Konačna cijena bez PDV-a (KM) | Rang |
|-------|--|---------------|-------------------------------|------|
| 1. | „Samsic“ d.o.o. Sarajevo | 4201909140005 | 8.528,00* | 1 |
| 2. | „EMMS“ d.o.o. Jelah, Tešanj | 4218706920005 | 8.542,00* | 2 |
| 3. | „Atalian Global Services BH“ d.o.o. Sarajevo | 4201071460002 | 13.472,00* | 3 |
| 4. | „Seif“ d.o.o. Miljanovci, Kalesija | 4209133390007 | 13.500,00* | 4 |

Obzirom da je nakon provedenog postupka e-aukcije, ponuda ponuđača „Samsic“ d.o.o. Sarajevo, u iznosu 8.528,00 KM bez PDV-a na godišnjem nivou ocijenjena kao najniža cijena, Komisija za nabavke je predložila direktoru JP "BIT Centar" d.o.o. u Tuzli prihvatanje ponude ponuđača „Samsic“ d.o.o. Sarajevo, te shodno članu 70. Zakona, donošenje Odluke o izboru najpovoljnijeg ponuđača za nabavku „usluga čišćenja objekata BIT Centar I, II i III i nabavku materijala za održavanje čistoće i higijene za potrebe JP „ BIT Centar“ d.o.o. u Tuzli. Imajući gore navedeno u vidu odlučeno je kao u dispozitivu odluke.

Pravna pouka: Protiv ove Odluke može se podnijeti žalba ugovornom organu u roku od 5 (pet) dana od dana prijema ove Odluke a u skladu sa Zakonom o javnim nabavkama BiH («Službeni glasnik BiH» broj: 39/14). Zbog efikasnosti postupka žalba se može izjaviti i elektronskim putem na e-mail: elvir@bit.ba.

Robert Martić
Direktor
Robert Martić dipl. ecc.


Dostaviti:
1. a/a
2. Ponuđačima